

1426
Postmodum
Legatus
Philippi
Mediolanensium
Ducis.

que hunc senatum miserit, sollicite audio a Florentinis, rerum omnium curatoribus, tota urbe requiri: quibus ne non semper indulgeatur, nostræ legationis causam breviter explicabo, etsi certo scio, eam ipsam ubi audiverint, parum illis jucunditatis allaturam. Non igitur ad motus ullos concitandos, non ad jus ullum divinum aut humanum everendum, Patres conscripti, venimus: has illis insitas a natura artes Philippus reliquit. Ei nanque curæ est, studia a majoribus tradita retinere, vestram amicitiam, societatem, benivolentiam, omni officio & observantia colere. Et quando ita Dei Optimi Maximi benignitate contigit, ut in tam perpetua animorum conjunctione, nullas novas inter vos & illum aut pacis aut fœderis leges renovari oporteat, concedant Florentini, & si bona eorum venia fieri potest, liceat Philippo ex suo majorumque suorum instituto, Princeps Serenissime, hos amantissimos Patres, totam civitatem per legatos amice salutare; liceat nobis dicere: Valet Venetæ Reipublicæ Philippus; valet dignitati & amplitudini vestræ Mediolanensium Dux, Veneti nominis amicissimus. Qui quoniam vestra erga se benivolentia pro fœderibus, societate, amicitia, communes vobis suos omnes ducit successus, communem gratulationem: fractos maleque habitos Florentinos hostes nunciat, qui temerario consilio, perditæque audacia se periculoso (nisi celeriter occurrisset) implicaverant bello. Hæc, Patres sapientissimi, hæc erat nostræ legationis summa, hoc erat illud, quapropter Philippus nos ad conspectum vestrum venire voluit. Cæterum, quia gentem hanc ad sermonis lenocinium natam, miserabili querimonia non in senatu solum, sed per areas & hujus urbis compita deplorare accepimus, bellum, quo ad hunc diem male habiti sunt, Philippi culpa esse contrarium, id ille libens divino judicio vestro cognoscendum relinquit: nullas condiciones quæ a vobis præscribantur, recusaturus: in ipso tribunalis vestri campo, si libet, se Florentini tueantur, neque vana hæc & inaudita confingant mendacia, quibus vanissimi homines student gravitatem vestram, vestram constantiam, contra vetustum jus amicitie,

con-